



Krabbameinsfélagið
Vísindasjóður

Skýrsla stjórnar Vísindasjóðs Krabbameinsfélags Íslands til stjórnar Krabbameinsfélags Íslands um starfsárið 2021

Inngangur: Vísindasjóður Krabbameinsfélags Íslands var stofnaður 16. desember 2015 af Krabbameinsfélagi Íslands og aðildarfélögum þess auk þess sem inn í sjóðinn runnu Sjóður Kristínar Björnsdóttur fyrrverandi starfsmanns Sameinuðu þjóðanna og Míningarsjóður Ingibjargar Guðjónsdóttur Johnson. Heildarstofnfé sjóðsins var 254,6 milljónir króna.

Tilgangur: Samkvæmt stofnskrá er tilgangur sjóðsins að efla íslenskar vísindarannsóknir á krabbameinum, m.a. með því að styrkja með fjárframlögum rannsóknir á orsökum krabbameina, forvörnum, meðferð og lífsgæðum sjúklinga.

Stjórn: Stjórn Vísindasjóðs Krabbameinsfélags Íslands skipa sjö einstaklingar, tilnefndir til þriggja ára í senn af stjórn Krabbameinsfélags Íslands, og tveir til vara.

Í stjórn sjóðsins árið 2021 sátu Sigríður Gunnarsdóttir formaður, Ásgerður Sverrisdóttir, Guðrún Sigurjónsdóttir, Helgi Sigurðsson, Sigurður B. Stefánsson, Guðbjörg Edda Eggertsdóttir og Tinna Laufey Ásgeirsdóttir. Varamenn voru: Ragnheiður Haraldsdóttir og Ársæll Már Arnarson.

Fundir: Stjórnin hélt fjóra fundi á árinu 2021, 8. febrúar, 18. mars, 29. apríl og 22. september.

Á febrúarfundinum voru mannabreytingar kynntar, upplegg fyrir umsóknir ársins ákveðið. Á marsfundi var samþykkt stefnubreyting í fjárfestingum sjóðsins. Á aprílfundi ársreikningur samþykktur, fjallað um styrkumsóknir og teknar ákvarðanir um úthlutun úr sjóðnum. Á septemberfundi var 2020 skýrsla stjórnar Vísindasjóðs til stjórnar KÍ samþykkt, farið yfir mönnun 2022, áfram var rætt um mögulegar nýjar styrkleiðir. Birna Þórisdóttir var starfsmaður sjóðsins út september en þá tók Hrefna Stefánsdóttir við af henni.

Fjármál: Ársreikningur sjóðsins, dags. af endurskoðanda 29. apríl 2021 var staðfestur og undirritaður af stjórn sjóðsins sama dag, 29. apríl 2021. Starfsmenn Krabbameinsfélags Íslands annast fjárhagslega umsýslu sjóðsins í samræmi við fjárfestingarstefnu hans.

Styrkumsóknir: Samkvæmt stofnskrá sjóðsins skal stjórn sjóðsins auglýsa eftir umsóknum um styrki í byrjun febrúar ár hvert og annast styrkveitingar úr sjóðnum að fenginni umsögn Vísindaráðs Krabbameinsfélags Íslands. Hlutverk Vísindaráðsins er að leggja mat á gæði umsókna, færni rannsakenda o.fl. samkvæmt nánari fyrirmælum í úthlutunarreglum sjóðsstjórnar. Í samræmi við þetta var þann 12. febrúar auglýst eftir umsóknum um styrki úr sjóðnum. Alls bárust 17 umsóknir að upphæð 127,7 milljónir króna. Vísindaráð Krabbameinsfélagsins fór yfir umsóknirnar og ritaði umsögn um hverja umsókn. Stjórn Vísindasjóðsins fór í kjölfarið yfir allar umsóknir, umsagnir og tillögur Vísindaráðsins og tók ákvörðun um úthlutun úr sjóðnum á fundi sínum 29. apríl 2021.

Úthlutun styrkja: Samkvæmt stofnskrá sjóðsins hefur sjóðsstjórn árlega til ráðstöfunar tekjur sjóðsins á liðnu starfsári auk þess sem sjóðsstjórn er heimilt að verja allt að 10% af höfuðstól sjóðsins til styrkveitinga. Þeir fjármunir sem ekki eru nýttir til styrkveitinga eru lausir til ráðstöfunar næsta ár. Höfuðstóll laus til styrkveitinga í árslok 2020 var 123,8 milljónir króna.

Að fenginni umsögn Vísindaráðsins og í kjölfar mats á fyrirbyggjandi umsóknum var ákveðið að úthluta 88,9 milljónum króna til 11 rannsóknarverkefna. Sjö rannsóknir voru nýjar og fjórar rannsóknir hlutu framhaldsstyrki í samræmi við úthlutunarreglur sjóðsins. Um var að ræða fjölbreytt verkefni, sem falla vel að tilgangi sjóðsins.

Styrkirnir voru afhentir við hátíðlega athöfn í húsi Krabbameinsfélagsins í Skógarhlíð 8, Reykjavík, þann 28. maí.

Við úthlutunina flutti Halla Þorvaldsdóttir stutt ávarp. Sigríður Gunnarsdóttir afhenti styrkþegum sjóðsins styrki og óskaði þeim velfarnaðar í sínum störfum. Laufey Tryggvadóttir, Bylgja Hilmarisdóttir og Jóna Ingibjörg Jónsdóttir sögðu stuttlega frá rannsóknum sínum.

Málþing: Vísindasjóðurinn átti aðild að árlegu málþingi í tilefni af alþjóðadegi krabbameinsrannsókna, sem haldið var í húsi Vigdísar þann 22. september, í samstarfi við Krabbameinsfélagið og SKÍ. Vísindamenn sem kynntu rannsóknir sínar á málþinginu höfðu nánast allir fengið styrki úr Vísindasjóðnum og ítrekuðu þar þakkir sínar fyrir dýrmætan stuðning.

Styrkhafar 2021 og verkefni þeirra:

Berglind Ósk Einarsdóttir hlýtur 6.150.000 kr. styrk fyrir verkefnið *Hlutverk MITF í hindrun ónæmissvars sortuæxla*.

Bylgja Hilmarisdóttir hlýtur 3.200.000 kr. styrk fyrir verkefnið *Þróun örvefjalíkana úr briskrabbameini og notkun þeirra sem módel fyrir notkun PARP hindra í meðferð*.

Erna Magnúsdóttir hlýtur 10.000.000 kr. styrk fyrir verkefnið *BLIMP1 miðluð stjórnun á frumuhring í Waldenströmsæxlum*.

Georgios Kararigas hlýtur 10.000.000 kr. styrk fyrir verkefnið *Áhrif nýju curcúmin afleiðunnar C66 á hjartavöðvakvilla af völdum doxórubicíns*.

Guðrún Valdimarsdóttir hlýtur 8.600.000 kr. styrk fyrir verkefnið *Æxlingar úr brjóstakrabbameinssjúklingum meðhöndlaðir með æðapelsértækum sameindalyfjum - Samanburður á frumæxlum og meinvörpum í ólíkum undirgerðum brjóstakrabbameins*.

Gunnhildur Ásta Traustadóttir hlýtur 4.000.000 kr. styrk fyrir verkefnið *Hlutverk peroxidasin í eðlilegum og illkynja brjóstkirtli*.

Laufey Tryggvadóttir hlýtur 9.232.081 kr. styrk fyrir verkefnið *Brjóstakrabbamein á Íslandi árin 1988 – 2020: Samanburður á gæðum skimunar og meinafræðilegum forspárþáttum, milli kvenna á aldrinum 40 – 49 ára og 50 – 69 ára*.

Margrét Helga Ögmundsdóttir hlýtur 8.500.000 kr. styrk fyrir verkefnið *Sjálf sát í krabbameinum: Greining á spendýrasértæku hlutverki ATG7.*

Pétur Orri Heiðarsson hlýtur 9.992.364 kr. styrk fyrir verkefnið *Hlutverk óreiðusvæða í starfsemi MITF umritunarþáttarins.*

Sigurður Yngvi Kristinsson hlýtur 9.221.532 kr. styrk fyrir verkefnið *Klínískt notagildi frumflæðisjárrannsókna í forstigum mergæxlis og áhrif nærumhverfis mergæxlisfrumna á sjúkdómsframvindu.*

Stefán Sigurðsson hlýtur 10.000.000 kr. styrk fyrir verkefnið *Hlutverk MITF í að viðhalda stöðugleika erfðæfnisins.*

Lokaorð: Vísindasjóður Krabbameinsfélagsins hefur gert íslenskum vísindamönnum kleyft að stunda viðamiklar rannsóknir á krabbameinum nú um nokkurra ára skeið, og hefur gjörbreytt möguleikum þeirra til starfa. Þetta er aðeins unnt að gera vegna mikils vinnuframlags margra sjálfboðaliða og þátttöku almennings í fjáröflun. Mesta vinnan hvílir á Vísindaráði Krabbameinsfélagsins, sem metur af kostgæfni allar umsóknir sem berast, undir forystu Eiríks Steingrímssonar.

Krabbameinsfélag Íslands leggur fram fjármagn ár hvert til stuðnings Vísindasjóðnum, og sér að auki um margvísleg framkvæmdamál sem tengjast honum. Krabbameinsfélagið sýnir vilja sinn í verki til að þróa nýja þekkingu í því skyni að bæta heilsu og aðstæður þeirra sem greinast með krabbamein og aðstandenda þeirra. Þessar ákvarðanir félagsins ber að þakka.

Stjórn Vísindasjóðsins þakkar fyrir tækifærið til að leggja af mörkum til þessa verkefnis.

Sérstaklega er ánægjulegt að það er almenningur á Íslandi sem með því að taka þátt í verkefnum Krabbameinsfélagsins gerir því kleyft að efla vísindin á þessu sviði svo sem raun ber vitni.

Reykjavík, 2.júní 2022

Sigríður Gunnarsdóttir
formaður stjórnar Vísindasjóðs Krabbameinsfélags Íslands